



Orientering om:

Rett til grunnskole- og vidaregåande opplæring under soning i fengsel.

Dersom du ønskjer vidaregåande opplæring under soning, har du rett til å få vurdert retten din til slik opplæring. Dette kan du seie frå om på skjemaet «Søknad om opplæring under soning».

Møre og Romsdal fylkeskommune vil få melding om at du ønskjer slik opplæring og vil foreta vurdering av retten din. Du vil innan rimelig tid få tilsendt enkeltvedtak om kva rett du har.

Skolen vil tilby deg opplæring i tråd med den opplæring du søker, opplæringsretten din og dei behova du har.

Du kan òg få grunnskoleopplæring om du ikkje har fullført slik opplæring frå før.

Kva for rett kan du ha:

§ 4A-1 Rett til grunnskoleopplæring for vaksne

Dersom du er over opplæringspliktig alder (t.o.m. ungdomsskole) og ikkje har fullført grunnskolen, har du rett til slik opplæring; dette fordi du må ha fullført grunnskolen for å få rett til vidaregåande opplæring etter § 3-1. Retten til opplæring omfattar at du må ha standpunkt- og eksamenskarakterar i norsk, engelsk og matematikk. I tillegg skal du velje mellom to av faga matematikk munnleg, naturfag, samfunnsfag eller religion, livssyn og etikk (KRLE). Opplæringa skal tilpassast behovet til den enkelte.

Du kan òg få meir grunnskoleopplæring sjølv om du har fullført slik tidlegare. Det er i dei tilfella der du ikkje har nok kunnskap til å fullføre vidaregåande opplæring.

§ 3-1 Rett til vidaregåande opplæring for ungdom

Dersom du har fullført grunnskolen eller har hatt tilsvarende opplæring, kan du etter søknad ha rett til tre års heiltids vidaregåande opplæring. I fag der læreplanen føreset lengre opplæringstid enn tre år, har ein rett til opplæring i samsvar med den opplæringstida som er fastsett i læreplanen.

§ 3-1, tredje ledd: Retten til vidaregåande opplæring gjeld ut det skoleåret som tek til det året ein fyller 24 år.

§ 6-3. Bruk av retten til vidaregåande opplæring (Forskrift til opplæringslova)

Søklarar med lovfesta rett til vidaregåande opplæring etter opplæringslova § 3-1 bruker ikkje av retten dersom opplæringa utgjør 1/3 eller mindre av timetalet frå eit utdanningsprogram eller eit programområde.

§ 4A-3 Rett til vidaregåande opplæring for vaksne

Frå og med det året du fyller 25 år har du som har fullført grunnskolen eller tilsvarande, men ikkje fullført vidaregåande opplæring, etter søknad rett til vidaregåande opplæring (vaksenrett).

Retten gjeld også deg som er innvandrar med opphaldsløyve, og som ikkje har fullført tilsvarande vidaregåande opplæring i heimlandet.

Opplæringa skal tilpassast den enkelte sitt behov, og ein skal til vanleg få tilbod om opplæring i samsvar med den sluttkompetansen som du ønskjer. Det skal leggjast avgjerande vekt på moglegheitene du har til å oppnå yrkes- eller studiekompetanse.

§ 4A-3, femte ledd: Dersom du er vaksen og har rett til vidaregåande opplæring, har du òg rett til vurdering av realkompetansen din og rett til å få kompetansebevis.

Realkompetanse er den kompetansen som vedkomande har opparbeidd seg gjennom formell opplæring og gjennom deltaking i arbeids- og samfunnsliv, ved kurs, bedriftsintern opplæring o.l. Realkompetanse skal vurderast i forhold til aktuelle læreplanar for fag, som kan vere både fellesfag og programfag. Ei vurdering av realkompetanse er likeverdig med ein standpunkt karakter.

Om du ønskjer opplæringstilbod spesielt organisert for vaksne etter opplæringslova §4A-3, har du rett til å få vurdert realkompetansen din, slik at denne kompetansen kan danne grunnlag for søknad om inntak til opplæringstilbod for vaksne.

Kven vurderer om du har rett til realkompetansevurdering

Dersom du ønskjer å få vurdert realkompetansen din, må du ta kontakt med skoleavdelinga ved det fengselet du soner og be om å få vurdert retten din til vaksenopplæring. Dei vil da hjelpe deg med å søkje om slik vurdering og evt. rettleie deg fram til ei realkompetansevurdering.

Det er Utdanningsavdelinga som skal foreta vurdering av kva for rettar den enkelte har, og som fattar enkeltvedtak ut ifrå kartegginga som er gjort.

§ 5-1. Rett til spesialundervisning

Dersom du ikkje har eller ikkje greier å få tilfredsstillande utbytte av det ordinære opplæringstilbodet, har du rett til å få vurdert om du har rett til spesialundervisning.

Når det blir vurdert kva for opplæringstilbod du skal få, skal det særleg leggjast vekt på dei utviklingsmoglegheitene du har. Dersom du får spesialundervisning, skal du likevel ha det same totale undervisningstimetalet som gjeld for andre elevar, jf. § 2-2 og § 3-2.

Om du ønskjer meir informasjon om kva det vil seie å ha rett til spesialundervisning kan du be om slik rettleiing av skolen sine tilsette. I Opplæringslova kapittel 5 står det alt om rettane og om PPT som kan utarbeide sakkunnig vurdering som gjer greie for dei vanskanane du har og kva for tiltak som kan hjelpe deg i skolekvardagen. Dei kan òg rettleie lærarane som skal gi deg opplæring.